

20372 double

197

LE
SIRE BENOIST
Ferreur d'Esquillettes.

M. DC. XV.


14 pps.
coll

ACC 83-101 (198)

SIR F. BENOIST

Forteur d'ignominie

M. D. C. X.



LE SIRE BENOIST

à Messieurs de & cétera.

Q V E Diable pensez-vous faire Messieurs, à qui en voulez-vous, à quoy toutes ces picoteries, pour charpigner nostre ieune Roy & ceste bonne Princeesse la Mere? C'est grand cas qu'il n'est pas iusques aux porteurs d'eau qui entretiennent aujour d'huy nos seruantes de vos Quirielles qu'on vend sur le Pont-neuf: Mais comme disoit auât hyer toute en cholere la femme de maistre Nicolas le Brodeur mon voisin, Mercy Dieu, si telles gens ont ceste demanaison que de mettre leur nez par tout, & qu'ils vueillent pestrir & repestrir le monde à leur fantaisie, qu'ils commencent par eux-mesmes. Qu'ils cassent du grais à la piaffe & à la vanité de Madame la & cétera. Qu'ils enuoyent au Lendit la bombance & la coqueterie de Madamoiselle la & cétera. Qu'ils ne mangent plus à ceste heure qu'il faict chaud de ce pain d'espice, lequel leur altere si fort le gosier qu'ils boiuēt à tire-larigot le sang & la substance du pauvre manant. C'est par Sainct Iean ce qu'ils deuroient faire (*disoit ceste femme*) & non pas des'amuser à bien porter vne rotonde, ny a releuer leur moustache, ny à dancier des balets comme les Courtisans, ny à

grabeler non plus sur les vtésiles de la cuisine de Martin ou de Gautier, fourrans pelle-messe dans leurs breborions tout ce qu'on leur baille par memoire, sans scauoir bonnemét s'il est vray ou faux. Car qu'est-ce ie vous prie qu'ils content de nouueau, que ce que l'on a tant de fois dit & redit dás ces fatras de libelles? Ont-ils (tous bons François qu'ils sont) donné iamais la moindre chiquenaude à tels beaux Escriuasseurs, quoy que les plus gens de bien en soient drappez comme des faquins? O les innocens fourrez de malice!

Vous n'ignorez pas, Messieurs la peine qu'il y a de faire taire ce sexe. Elle en vouloit bien dire dauantage, mesmes en pleine ruë où le monde s'amassoit desia, si ie ne luy eusse tiré la quenouille du costé, & ne l'eusse faict entrer dans ma boutique, luy resserrant dans le bec ce qu'elle vouloit debagouler del'honnesteté de certaines gens, à l'endroit de ceux qui pour les garder du rhume & du serain, leur ont mis sur la teste des bonnets pesans comme vn mortier. Pour moy qui suis homme simple & de la parroisse saint Innocent, ie ne me mesle guere des affaires d'autrui, & ce qui m'en entre par vne oreille me sort par l'autre. Le iuge du bien ou du mal de la Frâce non par les Almanachs de Mauregard, ny par des discours imaginez à plaisir; mais seulement par ce que mes yeux en voyent & mes mains en touchent.

Tant que ie voy la Cossonnerie aller son train ordinaire, tant que ie voy nos ports de la Grèce

& de l'Echole bien garnis de bled, de vin, de bois, & la place aux veaux mieux remplie que jamais, avec la douce & souëfue odeur de nos rotisseries : tant que ie rencontre en fin force bœufs gras par la ville, & que i'oye crier à grâds & à petits, gare la corne Messieurs, ie me persuade que tout est bien gouverné dans les Provinces d'où il nous arriue vne si grande abondance. Aussi sont-ce là des raisons sensibles, & que nostre Curé appelle argumēts *ad hominem*, c'est à dire, tirez de la marmite. Car quand l'exercice des machoires manque, il n'y a remōstrance (fust-elle du style espicé de la ruë de Sorbonne) qui ne me face croire que tout n'aille tres-mal. J'ay esté autrefois de la Ligue, & des plus furieusement zelez. Tant que ie me sentis dequoy faire ripaille, les Sermons belliqueux du petit Fueillant me contentoient fort : Mais à mesme temps que nous vismes à nos portes le Biarnois armé comme yn S. George, & que nous fusmes reduicts au pain d'auoine, & à manger à leche doigt de la chair de cheual, ie commençay à considerer que le trop d'aise nous gaste le plus souuent, & que de ce qu'on faiët à l'estourdie on s'en repent tout à loisir. Mes meubles, les bagues de feu Perrette ma femme, & ses beaux ouvrages au petit mestier où elle trauailloit de race, ne furent pas bastans pour me nourrir long temps en ceste calamité, en laquelle tout mon pauvre corps deuint haue & sec comme vne des carcasses de nostre Cimetiere.

C'est pourquoy Messieurs, ayant encores la caboche toute elourdie du coup i'apprehende grandement de me reuoir vne autre fois à telles nopces, où ie vous assure que les Parisiens auroient plus de flustes & de tabourins pour dancer la pauane & la sarabende, que de jâbons ou de ceruelats pour leur exciter l'appetit. Beaux pretextes ne manquoient point à ceux qui nous menotent par le nez comme des buffes. La foy Catholique, le bien public, les desordres du Royaume tant en la Iustice qu'aux finances, la faueur des vns à la Cour, & le mescontentement des autres furent les ingrediens du bouillon qu'on nous fist aualler, pour au bout de la carriere mourir de malle rage de faim. Tréues au nom de Dieu Messieurs, tréues de telles drogues, lesquelles sont vrayement agreables au flairer, mais tres-ameres au goust: nul de vous, pour verlé qu'il soit és langues, n'en pouuant plus proprement exprimer l'energie que par ce beau mot que les Grecs appellent Galimatias. Car quant bien il y auroit autant à rabiller au gouuernement de l'Estat qu'à sainte Croix d'Orleans, ou qu'au pucelage d'une fillette que le chat auroit surprise en dormant, si en faudroit-il attendre la reformation sans petiller d'impatience, ne plus ne moins que quand vous voyez Messieurs vos enfans morueux, vous excusez ieunesse, & ne leur arrachez pas le nez pour cela.

Pour moy, si i'estois aussi bien Licentier és Loix, que ie suis simple ferreur d'esguillettes, &

que par la bonne opinion de ma suffisance m'ingeralfe de dire ma ratelée des affaires V.^o royaume, ie serois bien d'aduis pour tout re- former à la nouuelle mode, que les Chartreux iugeassent les procez en dernier ressort, que les Sergens du Chastelet passassent les Docteurs en Theologie, que les Curez & simples Prestres (comme dit l'Apocriphe) fussent autant que les Euesques & les Cardinaux, que les Maref- chaux tels que maistre Claude la grande barbe fissent les Medecins, les Apoticaire les Escuyers, & les Notaires les maistres d'Escrime: Bref afin que tous estats depuis le plus grád iusqu'au plus petit, se ressentissent de ma belle reformation, ie serois d'aduis que chacun changeant de robe, vos bons amis fussent vendeurs de fusils, ou crieurs d'alumettes, & que les Financiers & autres Officiers payans eux-mesmes la Taille, les Laboureurs en fussent les Receneurs sans rendre compte. Pour dire en vn mot, ie se- rois d'auis que les valets deuissent Maistres, ou qu'aumoins pour enrichir le tableau, les Se- cretaires d'Estat se cõtentaissent d'estre Marguil- liers des parroisses, pour faire aussi bien peindre les parois de nos Eglises, que le sont celles de saint Germain de Lauxerrois. Ne seroit-ce pas là vne reformation digne d'un braue Iuriscon- sulte, & aussi bien entendu à la Politique que Dame Guillemette ma grand mere?

Or laissant toute raillerie à part, & vous don- nant tousiours vne meure entre deux vertes: où en lexiions-nous, Messieurs, si le Roy estimoit

C'eois Paris indigne de son feiour, & que nous
 cabitant là pour reuerdir, il allast asseoir sa Cour
 grâces, ou que accourcissant (ou pour parler
 correct) que reformant iusques aux fesses la
 robe des Procureurs & des Aduocats, il establîst
 vn parlement à Poictiers, & vn autre à Lyon,
 pour le soulagement des pauvres serpens qui
 viennent de cent lieuës loin solliciter vn procez
 de triquenique? Ceux qui seroient cause de
 l'eclipse du Soleil qui faict esclorre les roses &
 les tulipes de nos jardins, seroiët-ils mieux pour
 cela aux bônes grâces des Patifiens, ains plustost
 ne les maudioient-ils pas côme la fièvre quar-
 taine? Que deuiendroient lors les galleries & la
 sale du Palais, où les rats & les souris courroient
 la lance en plein midy? Ces drosses de gentils-
 hommes à lieute soient Gascons ou Perigor-
 dins ne s'y promeneroient-ils pas tout le iour
 bottez & esperonnez pour brauer les Cleres?
 Helas! si le Roy nous quittoit, que deuien-
 droient tant de marpaux qui ne vivent que du
 gain de la Cour & des Courtisans? Que deuien-
 droient nos chambres garnies & nos maisons à
 loüer? La charité commençant par soy-mesme
 & estant fol qui s'oublie: que deuiendroit aussi
 le pauvre Sire Benoist? Pourroit-il pas bien
 trousser ses quilles, & prendre la route de Blois
 ou de Tours, vne hotte sur son col ses petits
 enfans dedans, comme vn quarteron d'angelots
 de Brie? A qui recourroient en fin tant de pau-
 ures filles de ioye, qui aiment mieux qu'un
 Morgant qui porte la dague sur le roignon, les
 baise

baïse gratis que tout ce qu'elles sçauroient pi-
geonner, ny de l'enfant de ville, ny de la sotane,
ny du bonnet carré?

De penser nous mettre le cœur au ventre, &
nous faire faire les Rodomons, comme si le Roy
ne se pouuoit passer de sa ville capitale, ou qu'en
nous mutinant par la cajolerie d'autrui nous
fussions assez vaillans pour resister au courroux
enflammé de sa Maïesté, ce seroit nous tromper
bien lourdement. Car outre que de tant de gens
que nous pouuons estre pour faire le Colin-
tampon sur le paue, à peine s'en trouueroit-il le
quart qui voulust aller voir le Loup seulement
demy lieuë par de là Vaugirart, il ne faut mesme
que dix perches de terre le long de la Seine, au
dessus & au dessous de nostre ville pour nous
mettre à la faim, & nous faire manger les vns
les autres comme Tapinambous & Margajats.
Ioint que si nous autres Messieurs de la popu-
lace par excez de reformation faisons vne fois
des ieusnes non commandez de l'Eglise, par où
pensez-vous en conscience que nous commen-
cerions à trinquer du meilleur que du vin de la
caue de Messieurs de *& cetera*? Dieu sçait mes-
me s'il y auroit pas tel de nous qui de paresse &
pour espargner la chandelle chez soy, voudroit
apres auoir bien haussé le temps, coucher avec
la femme ou la fille du Monsieur qu'il recognoi-
stroit auoir lié & matelas dans vne chambre
bien tapissée!

Pourtant, Messieurs, comme bon François
& bourgeois pacifique, qui aime mieux deux

liards de caillette chez moy qu'un chapon rosty dans le trouble & en la guerre, ie vous proteste au nom de tous les bons compagnons mes semblables, que ie ne desfrouillerons iamais nos haliebardes que pour le seruice de la Majesté du Roy, & par son seul commandement, quant Lucifer, Astarot, & tous les vents du Septentrion s'en messeroient. Car l'experience estant la maistresse des fols, il ne seroit pas temps de courre comme autrefois avec la procession des Capucins apres nostre Roy irrité, si n'attendant vne mutinerie ouuerte, comme fist de sa grace Henry 3. il en preuoyoit l'orage, & se retiroit de ceste ville. Chose qui toutefois n'est pas pour arriuer, la manutention de son authorité nous estant si precieuse, qu'il n'y a Parisien de bon cefine qui ne creuast tripes & boyaux pour vne si iuste querelle, ainsi que nostre hostel de ville l'a depuis peu solemnellement protesté à sa Maieité, sur les faux bruits que faisoient courre certains lanterniers que Paris bransloit au manche. Et n'y ayant point de gens qui ayent plus d'interest que vous Messieurs, à conseruer ceste mesme autorité: ie ne doubte point (& le sire Benoit vous en pleige) que vous ne soyiez des premiers à la maintenir nette comme le bassin d'un Barbier, & sans equivoques, puis que l'Aduocat Orthodoxe Catholique les blasme si fort es Iesuites, suiuant les memoires adressez à l'assemblée du Clergé par son bien-aimé Monsieur & cetera, pour la receptiō du Concile de Trente, avec ampliation de l'autorité du Pape, & de la

jurisdiction des Ecclesiastiques, sauf dit-il, à modifier les Canons du Celibat en faueur de ceux qui n'ayans point de femelle à eux, s'accommodent par charité de celle de leur prochain.

Viuans gaillardement comme cela & sans tricherie comme font les sages d'entre vous, vous aurez vostre part du fruit qui naistra de la continuation de la paix, sous l'obeyssance de nostre bon Roy, l'innocence duquel (dit le Curé de saint Paul) crie vengeance deuant Dieu de ceux qui broüillent son seruice. Les benedictions d'une telle paix seront grandes. Les chapons du Mans pour vostre bouche, la moutarde de Dijon avec les andouilles de Troye pour entretenir l'appetit de Mesdames les & cetera, n'oublieront point le grand chemin de Paris, non plus que les chassemarées celui de Dieppe. Le blanc, le claret y arriueront de toutes parts, & gaudissant le Papat comme à l'accoustumée, nous estimerons y auoir pour le moins autant d'honneur & du support de voir le Roy s'en aller ioyeusement se marier avec l'Infante d'Espagne, que s'il eust espousé la fille du Maire de la Rochelle, comme eussent bien voulu les Euesques de Charenton, d'où le Meusnier se vante au Consistoire qu'il ne vient fois charger son asne à Paris, qu'il n'enfarine tousiours quelque'un, voire de Messieurs de & cetera, & qu'il espere de faire force Huguenots de ceste liurée, encore que l'article du tiers Estat ait esté rond, ou qu'au moins il les rendra si froids & si tiesdes

Catholiques qu'une poule bouillie leur sera d'aussi bon goust le Vendredy de la passion que le iour de Careme-prenant. La gale leur vienne comme à mon petit chien avant que cela soit.

O que Mesdames les & cetera seroient estonnées s'il leur falloit par humilité reformée faire la petite bouche, & chanter avec la femme du Ministre ce ioly verset des Pseaumes de Marot, qui dit

*Seigneur ie n'ay point le cœur fier,
Ie n'ay point le regard trop haut,
Et rien plus grand qu'il ne me faue
Ne voulu oncques manier.*

O l'hypocrite ! ô la chatemite ! de ne vouloir rien manier de plus grand qu'il ne luy faut. Mademoiselle la & cetera ma voisine n'est vraiment pas si scrupuleuse. Car elle me dit fort gracieusement en passant deuant ma boutique, Sire Benoist mon amy, ie vous prie de bien ferrer les esguillettes de mon mary, & tenez sur tout celle de deuant plus longue de trois ou quatre bons poulces, autrement i'en appellerois comme d'abus. Iugez de là Messieurs, les maux qui peuvent arriuer de l'heresie, dont Dieu vous preserue, comme il a fait vos peres qui estoient gens de bien, & m'excusans de ce que ie ne vous ay pas donné l'encens que vous meriteriez, vous aurez s'il vous plaist esgard à la police du siecle, qui ne souffre pas qu'on pe-laude les meschans, comme il leur est impuné-

ment permis d'égratigner de bec & d'ongle le visage, l'honneur & la renommée des plus gens de bien. Ce n'est pas que quant on me deuroit escorcher comme vne grenouille, que ie ne vous depeigne de vos couleurs tout autant de fois que vous & vos adherans prendrez la trauerse des champs pour quitter le grand chemin royal. Car quoy que le Sire Benoist ne soit Prophete ny fils de Prophete, si vous annonce-il que la France n'aura iamais qu'un Maistre pleinement absolu, toute autre grandeur qui le voudroit culbuter, estant soumise à ses pieds. Et quand mesme il faudroit cōuertir ses affaires en vn procez par escrit, ne refrenant pas les malins le baston à la main, le Sire Benoist vous annonce encore que ce bon Prince protégé de Monsieur saint Yues, n'aquiescera iamais, ains gaignera sa cause, nonobstāt oppositions quelconques, & avec depens, dommages & interests contre les patties.

Ce considéré, ma bonne Princesse, faictes vostre voyage quand bon vous semblera, & le plustost tant mieux. Dictes seulement en partant, qui m'aimera si me suiue. Qui n'y voudra aller se tienne chez soy. Pour vn Moine comme on dit, ne faut l'Abaye. Vous avez des Princes, des Grands, & force Noblesse qui ne vous abandonneront non plus, que ie ne perdray de veuë les clochers de Paris.

„ Allez donc hardiment disoit la Pucelle
 „ d'Orleans à Charles 7, vous ne trouue-
 „ rez en chemin que ioye & benediction.

„ S'il y a quelques broüillons qui facent les
 „ hargneux, vos troupes leur passeront sur le
 „ ventre, & les creueront comme des crapaux.
 Ne craignez point, ma bonne Princesse, qu'en
 vostre absence, il se passe icy rien contre le ser-
 uice du Roy vostre fils. Le nous garderons bien
 que personne ne nous vienne mugueter ny re-
 garder sous le nez, Dieu vous conserue & face
 viure le Roy autant que Mathieu Salé, luy don-
 nant vn beau petit fils au bout de l'an, lequel
 perpetuë la couronne en la race du bon S. Louys
 nostre Patron & Protecteur de la Banniere de
 France.

F I N.

